



Broj: 02-04-99/25
Prača, 03.06.2025. godine

Na osnovu člana 24. Statuta Općine Pale ("Službene novine Bosansko-podrinjskog kantona Goražde", broj: 19/07, 11/08 i 6/13) i člana 78. Poslovnika Općinskog vijeća Općine Pale ("Službene novine Bosansko-podrinjskog kantona Goražde", broj: 5/22), Općinsko vijeće Pale na svojoj VII redovnoj sjednici održanoj dana 03.06.2025. godine, **donosi**

O D L U K U

O PRIHVATANJU PISMA NAMJERE JAVNOG STAMBENOG KOMUNALNOG GRAĐEVINSKOG I USLUŽNOG PREDUZEĆA "PRAČA" D.O.O. I DAVANJU SAGLASNOSTI ZA PRIVREMENO KORIŠTENJE POSLOVNOG PROSTORA U ZGRADI OPĆINE PALE

Član 1.

Prihvata se pismo namjere Javnog stambenog komunalnog građevinskog i uslužnog preduzeća "Prača" d.o.o. broj: 02-04.1-105/25 od 30.05.2025. godine, kojim se iskazuje interes za korištenje poslovnog prostora u ulici Himze Sablje broj 37, odnosno u zgradi Općine Pale, ranije korištenog kao restoran, radi obavljanja ugostiteljske djelatnosti.

Član 2.

Javnom stambenom komunalnom građevinskom i uslužnom preduzeću "Prača" d.o.o. dodjeljuje se na privremeno korištenje predmetni poslovni prostor, na period od **šest (6) mjeseci**, u svrhu obavljanja ugostiteljske djelatnosti, bez naknade, uz obavezu da se prostor koristi savjesno, isključivo za navedenu namjenu, te da se redovno održava čistoća i funkcionalnost prostora.

Član 3.

U slučaju da Javno stambeno komunalno građevinsko i uslužno preduzeće "Prača" d.o.o. u toku privremenog perioda uredno izvršava sve obaveze iz pisma namjere, te se opravda potreba za nastavkom djelatnosti, **Općinski načelnik je ovlašten da, bez potrebe donošenja nove Odluke Općinskog vijeća, zaključi ugovor o produženju korištenja prostora**, pod istim ili izmijenjenim uslovima, u skladu s procjenom opravdanosti i interesima lokalne zajednice.

Član 4.

Zadužuje se načelnik Općine Pale da s Javnim stambenim komunalnim građevinskim i uslužnim preduzećem "Prača" d.o.o. zaključi odgovarajući protokol ili ugovor kojim će se regulisati prava i obaveze korisnika prostora, rok korištenja i kontrolni mehanizmi u vezi s namjenskim korištenjem prostora.

Član 5.

Ova Odluka stupa na snagu danom donošenja, a naknadno će biti objavljena Službenim novinama Bosansko-podrinjskog kantona Goražde.

PREDSJEDAVAJUĆI

Mr.sc. Senad Mutapčić, dipl. ing. maš.

Dostavljeno:

1. Službene novine BPK-a Goražde,
2. Općinski načelnik,
3. Općinska služba za privredu, budžet, finansije, boračko-invalidsku i socijalnu zaštitu, opću upravu i matičnu evidenciju,
4. JKP Prača,
5. U a/a.